



CONCELLO DE PONTEDEUME (A CORUÑA)

BANDO

NORMAS PARA A REALIZACIÓN DE FOGUEIRAS CON MOTIVO DA CELEBRACIÓN DO SAN XOÁN E SAN PEDRO NO CONCELLO DE PONTEDEUME 2026

DON BERNARDO FERNÁNDEZ PIÑEIRO, ALCALDE DESTE CONCELLO, AO ABEIRO DO DISPOSTO NO ARTIGO 21.1 E) DA LEI 7/1985, DE 2 DE ABRIL, FAGO SABER:

Que o artigo 9 da Lei 3/2007, do 9 de abril, de prevención e defensa contra os incendios forestais de Galicia, modificada pola Lei 7/2012, do 28 de xuño, de montes de Galicia establece que, en consideración aos antecedentes e datos históricos sobre o risco de aparición de incendios forestais en Galicia e sobre a incidencia das variables meteorolóxicas no comportamento do lume, a Consellería con competencias en materia forestal definirá a época de perigo alto, medio e baixo, que condicionará a intensidade das medidas que se vaian adoptar para a defensa do territorio de Galicia.

Consonte ao disposto no artigo 36 da Lei 3/2007 (redacción dada pola Lei 5/2025):

Artículo 36. Otros usos del fuego.

1. En las zonas agrícolas y forestales y en las de influencia forestal, durante la época de peligro alto de incendios forestales queda prohibido realizar hogueras para recreo u ocio y para la preparación de alimentos, así como utilizar equipamientos de quema y combustión destinados a la iluminación o a la elaboración de alimentos.

2. En las zonas agrícolas y forestales y en las de influencia forestal, cuando el índice de riesgo diario de incendio forestal sea muy alto o extremo queda prohibido quemar matorrales cortados y amontonados y cualquier tipo de sobrantes de explotación, limpieza de restos o cualquier otro objeto combustible. La publicación por parte de la consejería competente en materia forestal, en los términos previstos en el artículo 10, del índice de riesgo diario de incendios forestales de nivel muy alto o extremo determinará la suspensión automática de los títulos habilitantes para la realización, en las zonas afectadas por estos niveles de riesgo y mientras se mantengan estos, de las quemas previstas en este número.

3. Se exceptúa de lo dispuesto en el número 1 la preparación de alimentos en espacios no incluidos en zonas de alto riesgo de incendio, siempre que sea realizada en las áreas expresamente previstas al efecto, como son las áreas recreativas y otras, cuando estén debidamente identificadas y cuenten con infraestructuras adecuadas a tal fin.





CONCELLO DE PONTEDEUME (A CORUÑA)

4. Excepcionalmente, la consejería con competencias en materia forestal podrá autorizar áreas recreativas incluidas en zonas de alto riesgo de incendio en las cuales puedan prepararse alimentos, siempre que contasen con los requisitos, instalaciones y equipamientos específicos que se señalen reglamentariamente.

5. Se exceptúa, asimismo, de lo dispuesto en el número 1 el uso de fuego en las fiestas locales o de arraigada tradición popular, que requerirá autorización previa del ayuntamiento, en la cual figurarán, en todo caso, las medidas de seguridad y prevención de incendios forestales.

6. Se exceptúa de lo dispuesto en el número 2 la quema de restos de explotación debida a exigencias fitosanitarias de carácter obligatorio y que así venga determinado por las autoridades competentes. Esta deberá realizarse con la presencia de una unidad de algún equipo de bomberos de las entidades locales o de un equipo autorizado por la Xunta de Galicia.

Visto canto antecede, comunícase á veciñanza de Pontedeume que o concello poderá autorizar, excepcionalmente, o uso do fogo no ámbito de aplicación da normativa indicada con motivo da celebración de festas locais ou de arraigada tradición popular, como son as Festividades de San Xoan e San Pedro, coas medidas de seguridade e de prevención de incendios forestais que a tal efecto se determinen e con suxeición ao réxime legal aplicable para 2026.

Todas aquelas persoas, asociacións ou entidades organizadoras que teñan previsto realizar unha fogueira con motivo das **Festividades de San Xoan e San Pedro nas tardes/noites dos días 23 e 24 e 28 e 29 de xuño, deberán presentar no Rexistro Xeral do Concello antes das 14.00 horas do 19 de xuño de 2026, solicitude de autorización** de queima e uso do lume, sinalando o nome, enderezo, teléfono e fotocopia do D.N.I. dos responsables da organización ou comunidade ademais do emprazamento da fogueira, segundo o modelo oficial dispoñible, co coñecemento e compromiso de cumprimento das seguintes normas:

1.- A autorización municipal para este tipo de eventos populares resulta obrigatoria, tanto se comporta unha ocupación especial e temporal das vías ou espazos públicos, como se fora realizada en terreos de titularidade privada, consonte ao disposto nos artigos 41 letra c) da Lei 9/2013, de 19 de decembro, do Emprendemento e da competitividade económica de Galicia), e 36.5 da Lei 3/2007 de 9 abril, da Comunidade Autónoma de Galicia, de prevención e defensa contra os incendios forestais, art. 4 c) da Lei 10/2017 de Espectáculos públicos e actividades recreativas, art. 3 e) e apartado II.5 do Anexo do Decreto 124/2019 de Galicia, polo que se aproba o Catálogo de espectáculos públicos e actividades recreativas de Galicia.

2.- As solicitudes que eventualmente resultasen concedidas quedarán condicionadas na súa validez e eficacia a que o índice de risco diario de incendio forestal (IRDI) non sexa extremo, debendo entenderse automaticamente revogadas as autorizacións emitidas con anterioridade. Pódese consultar no seguinte enlace: <https://mediorural.xunta.gal/es/temas/defensa-monte/irdi>

3.- As autorizacións outorgadas non eximirán, en ningún caso, das responsabilidades por danos e prexuízos a que houbera lugar, das que será exclusivo responsable quen conste como solicitante.

4.- As fogueiras en locais sociais, prazas, praias, parques e xardíns municipais (así como calquera outro ben de dominio público de carácter especial): deberán contar coa previa





CONCELLO DE PONTEDEUME (A CORUÑA)

autorización municipal. No caso de realizarse en terreos públicos de titularidade municipal deberá achegarse unha PÓLIZA DE SEGURO DE RESPONSABILIDADE CIVIL cunha cobertura conforme ao disposto no Decreto 226/2022, de 22 de decembro (DOG num. 13 de data 19/01/23), achegando conxuntamente o comprobante de estar ó corrente de pago

5.- A celebración de Cacharelas/Fogueiras/Sardiñadas de San Xoán e San Pedro nas vías ou espazos públicos de titularidade municipal só serán concedidas aos colectivos ou asociacións veciñais e culturais debidamente constituídos.

6.- Están totalmente prohibidas as fogueiras nos espazos naturais protexidos.

7.- Os elementos da fogueira deberán estar colocados con dous días naturais de antelación a súa queima, para que o Servizo de Protección Civil, poida levar a cabo a inspección, revisión e control desta coa antelación suficiente.

8.- En zonas urbanas, o volume do combustible da cacharela non excederá os tres (3) metros de diámetro, nin dous (2) metros de altura, mentres que nas zonas rurais, o volume do combustible da cacharela non excederá os seis (6) metros de diámetro nin os tres (3) metros de altura.

En zona rural o volume do combustible da fogueira non excederá os 3 metros de diámetro ou de perímetro, nin os 3 metros de altura.

9.- A fogueira estará situada a unha distancia mínima de 50 metros de vivendas, vehículos, instalacións, e locais nos que se almacenen produtos inflamables; tampouco se situarán baixo tendidos eléctricos ou telefónicos, nin preto de masas arbóreas ou zonas vexetais susceptibles de ser queimadas.

No caso de que se levante vento que poida dificultar a vixilancia e extinción da fogueira esta deberá suspenderse ou apagarse de inmediato

10. Prohíbese a queima de neumáticos, plásticos, espumas de poliuretano, aceites, derivados de hidrocarburos, fedorentos tóxicos, así como de calquera outro material ou produto contaminante ou substancias susceptibles de desprender fumes tóxicos. Asemade, coidarase de non botar ao lume recipientes que conteñan líquidos inflamables ou gases a presión (sprays), aínda que estean baleiros.

Disporase no lugar dun sistema de extinción de incendios axeitado á proporción da fogueira

11.- No suposto de que a cacharela se faga sobre terreos de uso público lousados, asfaltados ou pintados, os organizadores encargaranse, pola súa conta, de protexer o pavimento cunha capa de area de 10 cm. en toda a superficie da fogueira.

12.- Prohíbese a colocación e exhibición de pancartas sobre terreos de uso público que non estean expresamente autorizadas.

13.- A hora límite para rematar a celebración é as 04:00 horas da madrugada, de acordo co horario establecido no art. 5.II.5 da Orde de 23/10/20 da Vicepresidencia Primeira e Consellería





CONCELLO DE PONTEDEUME (A CORUÑA)

de Presidencia da Xunta de Galicia (DOG 30/10/20), para a celebración de festas e romarías populares.

14.- Ao finalizar a fogueira e antes de abandonar o lugar da mesma, os responsables da organización coidarán de que as cinzas queden totalmente apagadas, debendo retirar todos os restos que queden unha vez rematado evento.

15.- Será obrigatoria a limpeza do espazo autorizado ao remate da actividade, incluídos os elementos utilizados para o desenvolvemento do mesmo, inmediatamente despois de rematar a fogueira e/ou sardiñada

16.- Os organizadores deberán cumprir co establecido na Lei 11/2010 de 17 de decembro, de prevención do consumo de bebidas alcohólicas en menores de idade.

17.- Prohíbese, con carácter xeral e agás as autorizacións que con carácter excepcional puideran ser outorgadas, a celebración de Cacharelas de San Xoán ou San Pedro no ámbito do Casco histórico, así como preto de calquera elemento que constituía o patrimonio histórico ou cultural.

18.- O desenvolvemento de celebración das cacharelas e sardiñadas deberá axustarse ao permiso concedido e as ordenanzas municipais que eventualmente puidesen resultar de aplicación.

19.- Este Concello, por iniciativa propia ou por instancia do Servizo Territorial de Prevención e Defensa contra Incendios Forestais, poderá revogar autorización nos casos en que non sexa posible garantir as medidas de seguridade e prevención de incendios.

20.- No caso de detectarse algún problema deberá chamar ao 112.

O que se fai público para o seu coñecemento e debido cumprimento.

Grazas pola súa colaboración.

O alcalde

D. Bernardo Fernández Piñeiro

Asinado dixitalmente

